

Naalakkersuisoqarfiit pisortaqatigiivini suleriaasissaq pillugu kaajallaasitaq

Naalakkersuisoqarfiit pisortaqatigiivinit tunngasut

§ 1. Naalakkersuisoqarfiit pisortaqatigiivi tassaapput Naalakkersuisoqarfinni suliaqarfiit akimorlugit qitiusumik allaffeqarfimmi ataqatigiissaarisartut. Naalakkersuisunit aalajangikkat siumut isigisumik iliuseqarfigineqarnersut Naalakkersuisoqarfiit pisortaqatigiivisa nakkutigissavaat.

Imm. 2. Suliassaqarfiit akimorlugit pissutsinik Naalakkersuisoqarfiit pisortaqatigiivi Naalakkersuisunut siunnersuisarput, suliaqarfimmiillu suliat ingerlanneqarnerannut ataqatigiissaarinissamut ataatsimullu isigalugu isumaginninnissamut ilapittuuteqartartuullutik.

Imm. 3. Pissutsit naalakkersuinikkut aqutsinikkullu maanna, periusissiornikkut piffissarlu ungasinnerusq eqqarsaatigalugu pisussat Naalakkersuisoqarfinni pisortaqatigiit sammisarisarpaat.

Imm. 4. Naalakkersuisoqarfiit pisortaqatigiivisa ataatsimiinneranni aalajangikkat allaffeqarfik tamakkerlugu pituttuisuupput.

§ 2. Naalakkersuisoqarfiit pisortaqatigiivi tassaapput Naalakkersuisut Naalakkersuisoqarfini pisortat aamma Naalakkersuisut Siulittaasuata Naalakkersuisoqarfiani pisortaq.

Imm. 2. Naalakkersuisut Siulittaasuata Naalakkersuisoqarfiani Naalakkersuisoqarfimmut pisortaq Naalakkersuisoqarfiit pisortaqatigiivini siulittaasuvoq. Siulittaasup pisinnaannginnerani Naalakkersuisut Siulittaasuata Naalakkersuisoqarfiani pisortaq sinniisutut inissittarpoq.

Imm. 3. Naalakkersuisoqarfiit pisortaqatigiivini ilaasortaasut saniatigut attaveqatigiinnermik pisortaq aamma HR-imi ineriartortitsinnermik pisortaq ataatsimiinnerni aalajangersimasumik peqataasarpur. Inuit allat ataatsimiinnernut aamma peqataasinnaanannerannik Siulittaasoq aalajangiisinnaavoq.

Ataatsimiinnerni peqataasusaaatitaaneq aamma sinniisussat

§ 3. Ataatsimiinnerni peqataasusaaatitaaneq atuuppoq. Peqataanianninneq ataatsimiinneq sioqqullugu siulittaasumut nalunaarutigineqassaaq.

Imm. 2. Utaqqiisaasumik peqannginnissami sinniisussaq ataatsimiigiaqusaassanngilaq. Sivisunerusumik peqannginnissami susassaqarfimmeersumik sinniisussamik aalajangersimasumik ataatsimik ataatsimiigiartoqartassaaq.

Imm. 3. Inuit ullut 14-t sinnerlugit utaqqiisaasumik inissisimasut imaluunniit atorfimmur pineqartumut atorfinnissap tungaanut sulisuusut Naalakkersuisoqarfinni pisortaqatigiinni ilaasortanngortinneqassapput.

Imm. 4. Naalakkersuisoqarfiit pisortaqatigiivini ilaasortat pissutsit kinguartinneqarsinnaanngitsut pissutigalugit peqataanissamik periarfissaqanngikkunik § 6 malillugu oqaluuserisassatut immikkoortunut allakkatigut oqaaseqaatinik nassiussisinnaapput.

Ataatsimiinnerit ingerlanneqarnerat:

§ 4. Naalakkersuisoqarfiit pisortaqatigiivi ataasinngornerit tamaasa nal. 14:00 Naalakkersuisut Siulittaasuata Naalakkersuisoqarfiani ileqquumik ataatsimiittassapput.

Imm. 2. Ataatsimiinnerit ukioq kaajallallugu sapaatip akunnikkaartumik juunilli qaammataa minillugu ingerlanneqartassapput.

Imm. 3. Ukiumut siullermik ataatsimiinneq januaarimi ataasinngornerup aappaani ingerlanneqassaaq, ukiumullu kingullermik ataatsimiinneq decembarimi ataasinngornerup aappaani ingerlanneqassalluni.

Imm. 4. Pisariaqarnerani Siulittaasoq immikkut ittumik ataatsimiinnissamut aggersaassaaq.

Allatseqarfik, ataatsimiinnernut atortussat il.il.

§ 5. Allatseqarfimmik ingerlatsineq Siulittaasup Naalakkersuisoqarfianit isumagineqassaaq.

Imm. 2. Tulliani ataatsimiinnissamut ataatsimiinnermi oqaluuserisassat atortussallu sisamanngornerit tamaasa allatseqarfimmit nassiussuunneqassapput.

Imm. 3. Oqaluuserisassanut immikkoortunik oqaluuserisassanngortitat kiisalu taakkununga atortussat kingusinnerpaamik pingasunngornermi nal. 16:00 sioqqullugu allatseqarfimmut tunniunneqarsimassapput.

Imm. 4. Tunniussinissamut piffissaliussaq kingoqqullugu oqaluuserisassallu nassiutereernerisigut immikkoortut tuaviussassatut pissusillit oqaluuserisassanut ilanngunnissai Siulittaasup akuerisinnaavai.

Imm. 5. Atortussat il.il. nassiunneqassapput uunga DCGRUPPEN@nanog.gl

Oqaluuserisassat

§ 6. Naalakkersuisoqarfiit pisortaqatigiivi ileqquusunik ataatsimiinnissaannut aalajangersimasumik oqaluuserisassanut immikkoortut uku ilaatinneqartassapput:

- 1) Ataatsimiinnermit kingullermik imaqarniliap akuersissutigineqarnera.
- 2) Naalakkersuisunut ilasortat aamma Naalakkersuisoqarfiit pisortaqatigiivisa suliaasaat tulluittut pillugit ilisimatitsinerit.
- 3) Susassaqarfiit akimorlugit pissutsinik ilisimatitsinerit.
- 4) Siunnersuutit tiguisimasat.
- 5) Pissutsit allat maanna pisut naatsumik ilisimatitsissutiginerat / Taasariallit allat.
- 6) Ataatsimiinnermit maanna pisumit aalajangikkat pillugit imaqarniliap akuerineqarnera.

Attaveqarneq

§ 7. Naalakkersuisoqarfiit pisortaqatigiivinit akuersissutigereernerisigut aalajangikkat pillugit imaqarniliaq Nanuaqqami pissarsiarineqarsinnaassaaq.

Kaajallaasitap aaqqissuuteqqinnera

§ 8. Kaajallaasitap uuma imarisai ukiut tamaasa kvartalimi siullermi Naalakkersuisoqarfiit pisortaatigiivinit nalilersugassanngorlugit qaqqinneqartassapput.

§ 9. Ulloq 30. maj 2022 Naalakkersuisoqarfiit pisortaatigiivini ataatsimiinnermi taamaalillugit akuerineqarput.

Naalakkersuisut Siulittaasuata Naalakkersuisoqarfia ulloq 11. agusti 2022

Hans-Peder Barlach Christensen
Naalakkersuisoqarfimmi pisortaq

/ Simigaq Broberg

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut